

Gesto por la Paz

PRENTSAURREA

Lortu dugu. El futuro es nuestro Manifestazioaren deialdia

Gauza jakina da ETAREN indarkeriaren behin-betiko amaierak gu guztiok norabait mugitzera behartu gaituela, areago bakea eta askatasuna nagusi diren arlo batean egongo bagara. BAK-Gesto por la Paz ere berregokituko da.

BAK-Gesto por la Pazek, Nazioarteko Indarkeriarik Ezaren eguna dela-eta, 1988az geroztik antolatu du manifestazioa urtero. Izan ere, manifestazio hau gure izaeraren ezaugarri nagusietako bat da. Berau eta elkarretaratze isilak –gestoak- etengabe burutu ditugu gure sorreratik bertatik. Eta egoera edozein delarik ere konbokatu dugu: indarkeriak gordin jotzen gintuenean ala su-eten garaietan. Guztiotan ETARI armak uzteko agindua bidali diogu. Beste zenbait mezu ere bidaliak ditugu, garaian garaiko beharren arabera, beti ere biktimekiko oroimen berezia aldarrikatuz

ETAREN indarkeriaren amaierak hiritarren mobilizazioaren amaiera dakar. Horregatik, aurten azken manifestazioa egingo dugu. ETA, inoiz gertatu beharko ez zen historia latzaren azken lagin doilorra izan da; alabaina, oroitu egin behar dugun historia da, hain zuzen ahaztu ez dakigun, errepika ez dadin eta etorkizun duina eraiki dezagun. Atzera bueltarik egongo ez dela sendotu nahi dugu, hala nola etorkizuna indarkeriatik at baino ezin dugula eraiki. Bestetik, jai giroko manifestazioa ere izango da, bakearen aldeko lan handiaren ondoren, lortu egin dugulako. Demokrazia, askatasuna, errespetua, tolerantzia, justicia eta indarkeriarik eza gailendu egin direlako.

Badakigu lan guztia ez dagoela amaituta. Hartara, jai giroa ez ezik, aldarri batzuk ere izango ditugu ibilbidean zehar. Aldarriok, etorkizun askea, positiboa, bidezkoa eta bakean eraikitzeko beharrezkotzat jotzen ditugu.

- Ez sekula ahaztu.

Berriro honelakorik gerta ez dadin, ahaleginetan ibiliko gara gertatutakoa gomutan izateko, amesgaizto hau ahazteko gogo bizia izan arren. Gogoratzea sendatzen hasteko modu egokia da. Eta horrekin batera, balio etiko eta demokratikoekiko konpromisoa hartu behar dugu. Beraz, ezin dugu hurrengo orrialdera joan ezertxo ere gertatu ez balitz bezala. Gure gizartearen duintasuna dago jokoan.

- Partitu dezakegun kontakizunaren oinarri etikoak eraiki kontsentsu bidez.

Lehenago aipatu dugun oroimenak gu guztion memoria beharko du izan. Horretarako, ondo sustraitutako oinarri etikoak ezarri beharko ditugu guztion artean. Sustrai sendo hauek indarkeriaren deslejitimazioan jaio behar dira. Bidegabekeria mordoa egon da, ezbairik gabe, baina bakar batek ere ezin izan du hilketarik justifikatu, erailtzea bidegabekeria nagusia baita.

Gesto por la Paz

- Elkarbizitza berreraiki.

Urte gehiegian, euskal gizartea bereziki, mehatxupean eta indarkeriaz inguraturik egon da. Horrek gizarte-etikaren erdoiltzea ekarri du zenbaitetan; askoren beldurra eta askatasunik ezak gure arteko harremanak gaiztotu ditu sarri. Ezin dugu ahaztu pairatutako oinazeak, askotan gordeta, baina sentipen negatiboak sortu dituela, bai babesgabetasuna bai itxaropenaren falta, baita gorrotoa ere. Sentipen hauek terrorismoaren biktima askok sufritu dituzte, baina ezin dugu ahaztu beste bidegabekeriaren biktimek ere izan dituztela horrelako pairamenak eta den-denak salatu behar ditugula.

Normaldutako elkarbizitza berregin behar dugu gure gizarte demokratikoan. Gure artean dauden beldurrak erauzi beharko ditugu. Zorionez, desberdin pentsaten duen inoren buruaren kontra apuntatzen duen pistolarik ez da egongo. Hau guztiz egia bihurtu dadin, ezker abertzaleak gizarte demokratikoan bizitzeko gai direla eta aniztasuna errespetuz hartuko dutela erakutsi behar dute sendoki. Egia hutsa izan arte, eskaera honi tinko eutsiko diogu.

- Gatazkak deslotzearen teoriari heldu.

Gure gizartean dagoen gatazka politikoak ez du inoiz terrorismoaren sorrera justifikatu. Izan ere, ETA existitu baino lehen, bazen; eta ondoren ere, izango da zorioneko gatazka politikoa. Aldebakarreko ETaren erabakiak argi erakusten du gatazka politikoan eternaldia sortu dela; hau da, erabaki politikoak politikak jorratuko ditu, eta ez indarkeriak. Orduan, zergatik hainbeste urtez indarkeria erabili?

Ezin da indarkeriaren amaiera erabaki politikoei lotu, bestela beti egongo litzateke justifikaziorik jasan dugun indarkeriarako, eta, gainera, edonoiz piztu liteke indarkeriaren itzulera, emaitza politikoak eman baditzake. Bestetik, gatazka guztiek ez dute konponbiderik; batzuek garaian garaiko kudeaketa adimentsua burutzearekin aski izaten da. Beti ere, elkarrizketa erabilia, eta ez armak.

- Presoen eskubideak errespetatu.

Hilketetan parte hartu duten pertsona presoen eskubideak ezinbestez errespetatu behar ditugu. Presoen hurbilketa, gaixotasun larriak dituztenei Zigor Kodearen 92. artikulua aplikazioa, gizarteratzeko banakako trataeraren irekitzea edo gradu-aldaketaren aplikazioa, legezko eskariak dira, eta kartzel-politika gizatiarragoa egin behar dela uste dugu. Hala ere, eskari honek ez du esan nahi errudunen inpunitatea ezarri behar denik, inondik ere ez. Bai gizartearentzat bai biktimentzat, guztiz beharrezkoa da Justizia egotea, Egia jakitea eta, hartara, biktimen pekamena burutu ahal izango dugu, hala nola biktimgileena, euren akats larriak onartzean.

Finean, azken hilabeteotan ezagutu dugun hainbat presoren gizarteratze-ibilbidea errazten duen kartzel-politika babestu nahi dugu. Ez dugu, inolaz ere, funsgabeko kaleratzerik nahi, baizik eta benetako gizarteratze prozesuak. Izan ere, prozesu horietan, batetik hastapen demokratikoen balioa onetsi egiten da, bestetik indarkeria guztiz gaitzetsi eta, azkenik, norberak sortutako oinazearen onartzea. Ildo honi heldurik, askoz

Gesto por la Paz

baliotsuagoa da gizarteratze prozesua egin duen presoak, ezen zigorra kunplitu ostean inolako damurik gabeko presoak baino.

ETA bide bazterrean geratu dugu, eta **ETORKIZUNA GEUREA DA. LORTU EGIN DUGU**. Gure azken manifestazioa lelope horrekintxe azaldu nahi dugu. Hurrengo **otsailaren 11n izango da, 17:30ean**, Bilboko Jesusen Bihotzeko Plazatik Gran Vian zehar. Bakea aldarrikatuz pankarta baten atzean egoten zen horri helarazi nahi diogu manifestaziora joateko gonbitea; baita behin edo, egin zuenari baina gure asmoak partitzen zituen horri ere; Berdin, alperkeria edo beldurra dela-medio hurbildu ez zenari; bai eta etorkizun aske eta bakean nahi duen orori egin nahi diegu gonbitea. Hori guztia aldarrikatzeko eta azkenean lortu dugula ospatzeko euskal gizarte osoari egiten diogu dei azken manifestazio honetan parte har dezan. Horra hor arrazoi sendoak.

Astean zehar, manifestazioaren nondik-norako gehiago emango ditugu. Eskerrik asko zuen etorreragatik

COORDINADORA GESTO POR LA PAZ DE EUSKAL HERRIA
EUSKAL HERRIKO BAKEAREN ALDEKO KOORDINAKUNDEA
21 de enero de 2012

